

Nyaj Pov Hwm Raug Mob Hauv Hauj Lwm thiab Kev Nyuaj Siab Puas Hlwb: PTSD thiab Lwm Yam Kev Raug Mob Puas Hlwb Hauv Minnesota

Daim ntawv no tsuas muaj cov ntaub ntawv qhia dav dav xwb. Nws tsis yog kev pab tswv yim txog txoj cai lij choj. Txhua rooj plaub txawv nyias txawv nyias, thiab tej zaum yuav muaj lwm txoj cai siv tau rau koj qhov xwm txheej. Yog koj muaj lus nug, thov tiv tauj ib tug kws lij choj, mus saib Department of Labor and Industry qhov vas sab ntawm dli.mn.gov/business/workers-compensation los sis hu rau Workers' Compensation Help Desk ntawm 651-284-5005 (nias 3) los sis 800-342-5354 (nias 3).

Yam Kev Raug Mob Puas Hlwb Twg Thiaj Tau Kev Pov Hwm Los Ntawm Workers' Compensation Hauv Minnesota?

Hauv Minnesota, tsuas yog mob Post-Traumatic Stress Disorder (PTSD) xwb thiaj li yuav tau kev pov hwm los ntawm workers' compensation yam tsis tas yuav muaj kev raug mob ntawm lub cev.

Lwm yam kev raug mob puas hlwb, yuav tsum muaj kev txuas ncaj qha nrog kev raug mob ntawm lub cev thiaj li tsim nyog tau kev pov hwm.

Yuav Tsum Muaj Dab Tsi Thiaj Tsim Nyog Tau Kev Them Nyaj Rau Tus Mob PTSD?

Yog xav tau workers' compensation rau PTSD hauv Minnesota, koj yuav tsum qhia tau ob yam tseem ceeb: kev pov thawj kho mob (medical causation) thiab kev pov thawj raws cai lij choj (legal causation).

Kom muaj pov thawj qhia tau tias tsis nyog tau kev them, koj yuav tsum tau:

- Muaj pov thawj qhia tias tus mob pib los ntawm koj txoj hauj lwm – txhais tau tias kev kuaj pom PTSD yuav tsum muaj feem cuam tshuam nrog koj cov hauj lwm los sis ib puag ncig ntawm qhov chaw ua hauj lwm;
- PTSD yuav tsum raug kuaj pom los ntawm ib tug kws kho hlwb (psychiatrist) uas muaj daim ntawv tso cai los sis ib tug kws kuaj hlwb (psychologist) uas muaj daim ntawv tso cai, thiab siv phau ntawv kuaj mob uas Minnesota txoj cai lij choj siv;
- **Cov tsos mob yuav tsum ntev yam tsawg kawg ib lub hlis** thiab cuam tshuam koj lub peev xwm ua hauj lwm, kev sib raug zoo, los sis lwm yam tseem ceeb hauv lub neej; thiab
- koj tus mob PTSD tsis yog muaj vim kev thov kom koj kho tus kheej ua hauj lwm kom zoo, tsis yog los ntawm kev ntsuam xyuas hauj lwm, kev hloov hauj lwm mus pauv rau qhov tshiab, kev raug rho hauj

lwm (layoff), kev txo qib los sis kev nce qib hauj lwm, kev raug tshem tawm hauj lwm, kev so hauj lwm vim kev laus, los sis lwm yam kev txiav txim siab uas koj tus tswv hauj lwm ua yam ncaj ncees

PTSD cov tsos mob muaj xws li kev rov nco txog ib qho xwm txheej txaus ntshai, kev yuam lub siab txhob nco txog qhov xwm txheej ntawd, tau kev ceeb kev ntshai, thiab muaj kev xav txog tej yam uas phem ua rau yus nyob tsis tu los sis xav tsis tawm.

Leej Twg Thiaj Muaj Cai Thov KEv Them Nyiaj Rau Tus Mob PTSD?

Txhua tus neeg ua hauj lwm hauv Minnesota muaj cai thov kev them nyiaj rau PTSD, yog tias lawv ua tau raws li cov kev cai tau hais saum toj no.

Nco tseg: Rau cov neeg ua hauj lwm hauv qee yam hauj lwm tshwj xeeb (hu ua presumptive occupations), yog tias tus neeg ua hauj lwm muaj kev raug mob puas hlwb uas tsis tau raug kuaj pom ua ntej, txoj cai lij choj xav tias kev raug mob ntawd yog tshwm sim vim txoj hauj lwm. Qhov no txhais tau tias tus neeg ua hauj lwm tsis tas yuav muab pov thawj tias rau kev raug mob ntawd.

Cov luag hauj lwm uas txoj cai no siv rau muaj xws li, txoj hauj lwm ua tub ceev xwm; tub tua hluav taws; kws tshuaj xyuas mob (paramedic); emergency medical technician (EMT); kws tu neeg mob uas muab kev pab thaum muaj xwm txheej ceev sab nraum chaw kho mob; cov kws saib xyuas kev ruaj ntseg; cov neeg ua hauj lwm hauv cov chaw kaw neeg; cov neeg saib xyuas kev ruaj ntseg rau tej tuam tsev; tus tub ceev xwm loj sheriff los sis deputy sheriff ua hauj lwm puv sij hawm; los sis ib tug tswv cuab hauj lwm ntawm Minnesota State Patrol.

Kuv Yuav Ua Li Cas Yog Kuv Daim Ntawv Thov Kev Them Nyiaj Rau PTSD Tsis Txais Kev Pom Zoo?

Yog tias lub tuam txhab pov hwm tsis pom zoo koj daim ntawv thov, lawv yuav tsum xa ib daim Notice of Insurer's Primary Liability Determination tuaj rau koj, uas piav meej txog qhov tseeb thiab cov laj thawj uas lawv tsis pom zoo. Yog koj ua hauj lwm hauv ib qho hauj lwm uas yog presumptive occupation thiab koj daim ntawv thov raug tsis pom zoo, daim ntawv tsis pom zoo ntawd yuav tsum muaj cov laj thawj tseem ceeb uas tus tswv hauj lwm los sis lub tuam txhab pov hwm paub thaum lawv txiav txim siab.

Yog koj tsis pom zoo nrog qhov kev txiav txim ntawd, koj muaj ntau txoj kev xaiv los tawm tsam tau, xws li:

- tham nrog tus claim adjuster uas saib xyuas koj rooj plaub thiab nug seb lawv puas kam rov tshuaj xyuas dua;
- xa ib daim Employee's Claim Petition mus rau Court of Administrative Hearings;
- tiv tauj ib tug kws lij choj kom nws piav txog koj cov cai thiab pab koj tawm tsam;
- hu rau DLI Vocational Rehabilitation unit ntawm 651-284-5038 los sis 888-772-5500 thiab qhia tias koj xav tau kev pab rov qab mus ua hauj lwm tab sis koj daim ntawv thov raug tsis pom zoo; los sis
- tiv tauj workers' compensation ombudsman ntawm 651-284-5013, 800-342-5353, los sis email dli.ombudsman@state.mn.us kom tau kev pab ntxiv txog daim ntawv thov uas raug tsis pom zoo.